

# REGIMINIS GRAVIDARUM TENTAMEN,

QUOD EXERCITII GRATIA

PRÆSIDE

PRÆNOBILI, CLARISSIMO ET EXPERIENTISSIMO  
VIRO AC DOMINO,

D. FRANCISCO SCHOENMEZEL,  
Philosophiæ & Medicinæ Doctore ejusdemque  
Professore Publico & Ordinario, h. t. Decano.

DEFENDET

JOANNES NEPOMUCENUS GRUBER, Heidelbergensis,  
AA. LL. & Philosophiæ Magister, & Medicinæ Candidatus.

IN AULA ACADEMICA,

Die 24. Julii, MDCCLXV.

*Hora ante meridiem locumque consueta.*

---

HEIDELBERGÆ,

Typis Joan. Jacobi Hæner, Typographi Aulico-Academici.

Digitized by the Internet Archive  
in 2019 with funding from  
Wellcome Library

<https://archive.org/details/b30787324>







## REGIMINIS GRAVIDARUM TENTAMEN.

### §. I.



Inter Miseras, quibus femininæ præ Maribus afficiuntur, Graviditas potest gravissima dici, a Conceptionis initio ad partus terminum Centenis cruciantur Malis; en Miseram, animus & vires languent, læcessitur Vomitu, inapetentia, Nausea, excavantur oculi, roseæ Pallent genæ, informem elegans tenuemque men in molem elevatur, titubante incedit pede, venter Dolent, placido nec somno reficitur, jam maxima anxietas mentem præmunt, acuti acutissimi, donec excluso prole subsistant, æque difficile ac grave, & mater, qua cum incommodis tota die vexatur? his affligatur; Sexus! qui inter mille quodsi Medicorum est Sanitaret, siquæ cuncta a te incipit nostras excedat vires. Arte medendi Verget tractasse, non igitur tiffimorum communis



...æ rationi, quæ experientiæ conformia, mihi  
... propriam obtrudo nemini.

## §. II.

Maxima in Corpore femineo post conceptionem successive contingens mutatio, ad miram quarundam partium distentionem, pressionem aliarum & humorum abundantiam redit, Causas maiorum en efficientes; alia foeminarum Constitutio, ætas temperamentum, vitæ ratio ad diversissima disponunt, inde non omnibus eadem convenire præcepta, imo pro diverso graviditatis stadio eadem & utilia & summe noxia fieri apertum est; Quo igitur fundamento venæ sectiones, Cathartica, Emetica &c. Quidam omnimode rejiciant, & omnia terreis & Elixiriis aggrediantur, alii indiscriminatim illa suadeant, videant illi; nos interim plura, quæ gravidis molesta accidere, a conceptionis momento ad partum usque solent, sedulo perpendentes, ut Causas eruendo veram medendi rationem inveniamus, studebimus, e quibus concilia quædam ad plura gravidarum incommoda præcavenda depromere, non inutile judicamus.

## §. III.

...moda miseras sæpe foeminas affligentia Vomitus  
..., dolores enim, qui inde excitantur, violentia,  
... quod gravidam debilitent, metum non in-  
... ortus a longius protracto sequatur, adde  
... qua ciborum, si illa contingat, vires  
... s blando a chylo renovati humo-  
... corrumpantur; vomitus vel  
... que nono mense acerbæ sæ-  
... Cholericis sæpius adeo  
... ant, quodsi ad Cor-  
... contingit, respicias,  
... nulo, & inde  
... suam ute-  
rus





rus per nervos relationem cum ventriculo habet, par siquidem octavum, quod ventriculo prospicit, retro œsophagum ad arteriam coeliacam pari inter costali, a quo nervi utero, copulatur, his strictura affectis & ventriculi eadem affici, ne dubites, mirum nervorum consensum quotidie experimur, unde Vomitus a renibus affectis, a Calculo Vesicæ, a dolore Colico, a prorumpentibus menstruis periodicus? aut peregrini Corporis irritationi uterus assuefit, unde nervis laxatis tumultus plerumque sponte quiescit: qui autem vomitus profectiore jam Graviditate invadit, vel ab utero nimium distento, ventriculumque premente, vel a Collectis in primis viis saburra pender; a nimia abdominis mole, ab assumptorum parce ciborum retentione, & subsistente adhuc appetitu prius facile cognosces, hoc nausea, appetitus prostratio, gustus amarus, pondus & ardor præcordiorum, foetens spiritus, certissime indicat: ne igitur eandem omni gravidarum vomitui medelam feras, quem spasmus excitat, relaxantibus, emollientibus, anodinis cohibebis, frustra calidiora & tonica tentantur, aucta inde strictura malum pertinacius foret; sane Corda, ne acutius Vibrata sonet, fortius non tenditur: egregie hic quoque clismata emollientia proficiunt, affecto proximiora loco citiorem longe effectum edunt. Balnea, quod probe notandum, tepida tantum, ex aqua pura, vel cui herbæ emollientes incocta non negligenda, quanta enim virtute sopiendos ad spasmos polleant, pluribus in morbis practico observatori innotescit; ne autem mox ad remedia confugiendum existimes, ubi malum mitius, tenuis atque facilis, refrigeransque dieta optime conducit. Quod si a quotidiano uteri incremento, indies viscera magis premantur, sæpius nimium auctus, ventriculo cibos continenti, debitum denegat locum, hic incipiente igitur digestionem, extricato e cibis spiritu, tumidus dolet, & contenta, quæ retinere nequit, laceffitus ejicit; omnem hic remediis operam ludis, cum causam non nisi summo cum feminae detrimento remove possis. Conservæ & gelatinæ bene nutrientes, sæpius de die repetitæ, parum animalium juniorum carnis, potus e vino meraciore cum aqua limpidissima & sat frigida diluto, sint pro nutrimento, sic parce, aut crebrius nutriendo levissimis, nec a Cibo, nec a flatu fatigato





amplius ventriculo optime prospiciendo & vires & sanitatem vix melius conservabis. Tandem cum hæret putridus in primis viis latex, quem plurimæ ex inordinata dieta (heus quibus vulgare feminarum later præjudicium, gravidis nil nocere, & nisi intenso utut depravato harum appetitui satisfiat, periculum foetui imminere) solícite colligunt, audacter naturæ viam preme, levi emetico sortes educendo. Ast sunt, qui ad emetici contrementes nomen, contra clamitant, abortus inde metuendus, violenter concusso enim per vomitum universo corpore, a musculis abdominalibus, & Diaphragmate uterus vehementer quatitur, inde non parum ad ejiciendum foetum sollicitatus, provida abstinentia & digestivis sordes corrigi aut levi cathartico tutius eliminari possunt. Pace vestra momenta, quæ opponitis, solvere liceat; & vobis gravidæ erunt notæ, quæ crebrius gestationis decursu vomitum absque abortu sponte sunt passæ, non omnis igitur vomitus abortum procreat, quodsi autem justum vomitus violentior & protractus metum abortus relinquat, quis culpandus, an qui unico vomitu causam mali educendo feminam ab ulteriore liberam servat, an qui ridiculo retentus metu, causam mali alendo, continuo illam periculo exponit? verum remediis & abstinentia saburram corrigitis, hanc correctionem meum superare captum ingenue profiteor, ratus ingesta, quæcunque tum potius corrumpi, & abstinentiam a feminis difficillime obtinendam, corruptionis gradum augendo, hanc ut in sanguinem transferatur, aptiorem reddere; neque ipsi rebellis saburræ educationem dissuadetis, blandum proponitis Catharticum, sed quæso, nonne difficilius per insignes intestinorum anfractus sordes eliminandæ? unico quæ raro exhauriuntur laxante, nonne metuendum; ne motæ & dilutæ tot vasa transientes bibula, partim resorbeantur? ast a blandissimis turbas quoque non leves excitari notatur, manna quid levius? ab unica illius uncia cum drachma tartari vitriolati feminæ sat robustæ ultra vigesies alvum deposuere; imo adeo natura ad vomitum Proclivis est, ut sæpissimè quæcunque cathartica virtutem sponte emeticam exerceant. Quis igitur naturam, quo adeo manifeste vergit, non ducet, nec ducenda levissimo adjuta stimulo rem sola omnem optime absolvit, sic grani unici solutio

tarta-





tartari emetici in libra aquæ fontanæ cum paucò Syrupo capillorum veneris ad Cochlear unum aut alterum assumpta largam viridissimæ bilis ejectionem indies procreat, quod plurimis corroborare exemplis mihi non difficile foret.

## §. IV.

Tædiosa ciborum inappetentia, molestus ventriculi ardor, acerbus dolor, & depravatorum appetentia a debilitata digerendi virtute pendent, cum enim crescente utero contenta quæcunque abdominis premantur, & circulum sanguinis per illius vasa retardari plurimum, necesse est, vitales nisi vires pro augmento resistentiæ increcant, aut tantum abest, ut augeantur, ut potius a majore humorum quantitate, qua ad formandum natura fœtum indiget, apud delicatiores teneriores atque debiliores obruantur, bilem inde succum pancreaticum & gastricum depravari an mirum? nonne eadem qua cor, debilitate ventriculus laborabit, qui cibum, quem debite subigere nequit, appetat? alimenta male concocta corrumpuntur, eadem corruptione secreti ulterius humores depravantur, acredinem simul acquirunt, qua tunicas & œsophagi, & ventriculi, & duodeni rodendo intolerabilem ardorem & per consensum quandoque vagos per membra & lumbos dolores excitant, quodsi crudiora improvide assumantur, extricatus aër calore loci rarefactus mirum debiliores ventriculi tunicas constrictis a fortiore spinctere œsophago & pyloro distendit, atrocissimi inde dolores. Neque hic leni quidquam emetico præstantius, prompta cruditatum evacuatione prodest, & mire ab illius actione universum concutitur corpus, premuntur viscera præcipue abdominalia, quo lenti, tenaces, viscidum humores in glandulis intestinalibus hærentes melius exprimuntur, solvuntur & ad ejectionem aptiores fiunt, ipse quoque humorum circulus multum augetur, sic melior sanguinis miscela, humores tenuiores, & copiosior per poros cutis secretio obtinentur. Unde cum appetitu & vires & faciem floridam supressis protinus doloribus redire mihi sæpius observare licuit. Unicam hic enarrasse historiam sufficiat; femina ad octavum mensem gravida languet, atrox,





atrox incessum vetans dolor femora tenet, sævit idem ab umbilico ad dorsum, ut Corpus difficillime erigeret, noctes sunt insomnes, per aliquot dies cibum averfatur omnem, lingua sicca, gustus amarus est, sitit, Ignorans obstetrix partum instare contendit; summat ante somnum cremoris tartari drachmas duas, altera die cochlear unum solutionis tartari Emetici, ingentem viridis & fauces rodentis bilis copiam emovit, nox pacatior, parva. Rhei dosis altera die alvum blande sollicitet, cumque tertia ructus quandoque amaros adhuc persentiat, quarta duo Cochlearia solutionis tartari emetici repetat, copiosam aut minus austeram bilem ejicit, unde ad terminum usque evadens sanissima, robusta fuit prole recreata. Tartarum præprimis emeticum huic negotio aptissimum habeo, maxima, aquæ solutus mole successive propinari potest, ad gradum, qui lenem excitare vomitum valet, neque sic inopinatas a violentiore emetici actione turbas, neque anxietates, tormina & nauseas a debiliore pertimesco; & quantam in viscidis humoribus solvendis virtutem possideat, nisi experientia edoctus vix credat, in primas non solum vias operatur, sanguini mixtus leniter inertia vasa & cor stimulat, vitales quo vigent vires, cum quibus integra brevi sanitas redit; in ipso tamen Cardialgiæ paroxismo ab hoc abstineas, furente enim spasmus, novis ventriculum aculeis pungendo, indomito calcar equo adderes. Post haustum aquæ largum digito gula sollicitetur, tutius sufficiens evacuatio, pro libitu reiteranda obtinebitur; atque si dolor non minuitur, frigidam hic experiri liceat, præter quod acridinis Stimulos obtundat, rarefactum aërem condensat, robur ventriculi auget, jamque distentis minus & laceffit ventriculi parietibus spasmus subito conquiescit; novi feminam, quam gravidam, & post puerperium assumptis cibis acerbissima misere Cardialgia torquebat, neque fomenta calida, neque clismata quidquam proficiebant, neque liquor anodynus, neque opium (quod Vix crederes) ad tria grana deglutitum paroxismi atrociam infrangebant, sitiens intense, frigidam, quam appetebat, avide ingurgitat, en omnem cessare dolorem mirabunda letatur, redit malum, potus haud sufficit, linteum exterius frigida madefactum applicat, feroces denuo dolores oculi nictu compescuntur, hoc que





que munita specifico novos jam insultus ridet. Instituta evacuatione selectus cibus, potus vini veteris aut diluti, roborantia incidentibus mixta, quæ in forma fluida ob faciliorem per vasa bibula resorptionem præfero, moderata aut repetita ambulatio omne negotium absolvere videntur, neque terrea, ubi acidum in ventriculo & primis viis hæret, spernendum edunt effectum, illa hujus vim non solum infringunt, sed sæpe in novum quasi sal medium mutata, levi stimulo alvum sollicitant, sicque praviæ excretionem materiæ promovent.

## §. V.

Eadem vitiata digestio ut plurimum capitis dolorem & hemicranias, jejuno ventriculo & post prandium gravidis adeo molesta inducit. Mira Caput Sympatia cum ventriculo nequitur: vel enim crastinæ digestionis reliquæ acres ventriculum rodant, vel lente & imperfecte soluti cibi in ventriculo diutius morantes, gravitate & aëre extricato, & aciditate aut rancedine brevi inductis infestent, caput inde affici experientia docet; a nervis a capite ad ventriculum deductis id provenire ratio suadet, licet quo fiat modo explicatu difficilius sit. Vomitorii efficaciam in hemicraniis admodum rebellibus sæpius sum expertus, & quantum reiterata lenia vomitoria confortando ventriculo inserviant observationes apud Authores fide dignos clare monstrant. Instituta autem evacuatione debita, amaricantia, quæ digestionem promovent, cortex Peruvianus robore quod concilat, maxime profunt, cibi sint selecti, digestionis facillimæ, quodque probe notandum, sollicita plurimum manducatio commendetur, qua cibi melius & attriti, salivaque irrigati penitus longe facilius subiguntur. Neque possum, quin egregii potus Coffe usus, hic mentionem faciam, femina nobilis dira assumpto prandio hemicrania vexatur, longo sat tempore plurima in cassum remedia tendat, ad expertissimi concilium medici, incipiente digestionem, indies, aliquot vascula decoctionis Coffe haurit, & ab isto in hunc diem malo liberata.





## §. VI.

Alvus gravidis ut plurimum astricta uberrimus malorum fons existit, putrida enim colluvies in intestinis diutius retenta mole & pondere intestina gravat, acredinem induit, flatus gignit, pars volatilior sanguinem petit, imminetia inde tum feminae tum foetui mala quilibet perspicit. Sollicite igitur aperta servetur: ad consuetudinem tamen respiciendum, qua quaedam citra noxam per aliquot dies constipationes ferunt. Clysmata hic emollientia optime conducunt, crassiores emolliendo faeces leni stimulo illarum excretionem promovent. Diversae Pillularum massae, huic negotio commendatae adeo, mihi sunt suspectae: neque enim omnibus drastica, quibus componuntur conveniunt: dira inde tormina memini: & natura successu temporis his assuefacta non nisi notabili ingestis dosi paret, partem ad sanguinem duci, nullus negabit, nonne autem ab orgasmo, quem sanguini conciliant, haemorrhagia gravis, & ab illa abortus eo magis metuenda? quod aloe his massis ut plurimum mixta, vi quasi specifica sanguinem attenuando & rarefaciendo haemorrhagiis inducendis maxime idonea sit. Ne autem segnior Clismatibus reddatur alvus, mane cum e lecto surrexerit femina, sponte indies alvum exonerare, experiatur, habitum sic omni remedio melius alvum sollicitantem contrahet.

## §. VII.

Neque haemorrhoides malum feminis minus molestum sunt, quae saepius aequae ac alvus astricta, quam rarissime comitem non habent, a debiliore intestinorum tono, quandoque a sanguinis abundantia vel viscositate, quandoque a pressione uteri proveniunt: sanguis in vasis venae portae regurgitans in haemorrhoidalibus praecipue ob rectam horum directionem stagnat, varicosi circa anum rami sanguinem in Cellulosam sudantes, dolentia gignunt tubercula, quae non raro in abscessus abeunt, iidem cum intestinorum membranis intertextos tendentes nervos, spasmos & dolores Colicos excitant: accumulatus in venis sanguis, a tergo in





in arteriis mesentericis fluenti obstaculum ponit, turgescit inde, & diametrum illarum distendit, cumque exterius quasi tunica ex nervis involutæ sint, anne dolores inde lumborum sæpe lancinantes, sæpius ad femora protractos miraberis? a calidioribus quibuscunque caveas, quæ congestionem sanguinis in abdomine augendo, cum sæviore dolore & abcessus, & maxime noxias hæmorrhagias non raro inducunt. emollientia leniterque stimulantia clismata blando calore spasmus sopiunt, & leni stimulo motum peristalticum excitant, stagnans quo sanguinis egregie propellitur, lenis potio cathartica, epitemata emollientia & resolventia calide abdomini applicata, emulsiones nitratae, potus incidens & dilluens eodem scopo inserviunt. Rarior mihi amata quibusdam nimium venæ sectio est, vitalium sanguis virium fons est, parciores ex superveniente illius jactura augeri vix mihi persuadeam: debiliorum igitur sanguini parcendum existimo, cum fortioribus, quibus cruor abundat, secure detrahatur. Venæ sectiones autem in gravidis nunquam in pede instituantur, raro enim, docente experientia, sine molimine abortum minante celebrantur: Neque mirum, vasa uterina ab hypogastricis, quæ illicorum ramificationes, proveniunt, eadem vasis pedum origo est, quam primum saphena tunditur, imminuta resistentia sanguis per arterias illicas celerius affluat, necesse est. Igitur per illarum ramificationes, quo arteriæ uterinæ pertinent; interim per illicam redux venam, vi a sanguine per illicam externam & hypogastricam refluxo composita procedit, qua, minore sanguinis quantitate ob venam tussam reverdente, imminuta, ille lentius movetur; cumulat ergo circa uterum, sicque vasis sanguine repente turgidis, vel lenes illorum cum placenta nexus solvi, vel stimulo inde nato ad uterum delato, fibræ illius motrices ad abortivas contractiones irritari facile possunt. Superato paroxismo incidentia & dilluentia additis apperientibus & blande roborantibus adhibeantur, bona sollicitè digestio & alvus aperta curentur, quod facili alvumque moliente & flatibus experti cibo obtinendum.





## §. VIII.

Sunt feminae sat robustae plethoricae; vigentes, crebriori per venam evacuationi assuefactae, bono gaudent appetitu, parum moventur, largo in super menstruorum profluvio purgantur, cum concipiant, vires illis deficiunt, ad leviolem motum cor illis palpitat, & Spiritus deest, angore premuntur, venae tument, arteriae fortius micant, calent, sitiunt, insomnes aut nimium somnolentae sunt, saepius & caput & oculi dolent, accedit inapetentia, nisi medela feratur, haemorrhagia instat, salutaris quandoque per nares: periculosior per pulmones, licet saepius absque noxa: periculosissima per uterum, ad tertium, septimum, octavum mensem, aut terminum graviditatis si contingat, abortus cum inde non raro sequatur, aut soluta ante partum placenta enormem sanguinis jacturam & feminae & foetui saepissime lethalem inducat. Repetita hic venae sectio sola medetur, licet diluentibus, temperantibus, blando exercitio, profida abstinentia, leni cathartico regenerantem sanguinis abundantiam tutissime praecaveri, non negaverim. Certa sanguinem inter, vasorumque vires proportio existit, vasorum inertia, nimia sanguinis copia, utraque sanitati aequae noxia sunt. Reducendae proportionis, si sanguis abundet & tutius & promptius praev. venae sectione remedium ignoro: cum autem tanta sanguinis copia gravidae omnes non abundant, imo in quibusdam vires potius vitales deficient, venae sectionem cunctis praescribere noxium duco; parum mensium: suppressio me movet: computa, quae formando foetui inserviunt, quae placentae impenduntur, quae liquorem animos fundunt, quae major uteri textura spongiosa absorbet, haec in plurimis quantitatem noni mensis menstrui superabunt; Noxiae igitur plethorae manifesta nisi signa imineant, absque matris & foetus noxa, venam tundi, vix credo, matri fons virium & debitum foetui nutrimentum minuuntur. Miseræ proles, ex haustam immerito naturam conqueramini, praev. judicii victimæ, Ars saluti destinata vos in ovo enervat: etenim cum tenera, delicata, debilisque Mater crebrius sanguinem perdat, omnes ut vires collabantur, qui aliter fiat. Robustissimum, crebrior sanguinis emissio debilitat: neque iminuto





nuto sanguine resistantiam, qua vires vitales destinato melius officio fungantur, removeri contentas, anne in hæmorrhagia exhausto vires hæfigent? anne a longo reconvalescenti morbo repetitis venæ sectionibus vires restituuntur? Omnes robur ventriculi vires sustinet, a perfecta digestionē sanguificatio, nutritio, spirituum animalium debita secretio, a quibus demum salutis integritas pendent; in illo igitur firmando negotium omne ponendum, modicus ast crebrior cibus, parum ast veteris vini, post cœnam & prandium amara, tonica jejuno ventriculo, facta digestionē ambulatio moderata hic accommodata videntur, neque cæteroquin quæ corporis habitum firmant, negligenda, plurimum enim aër ruralis & montanus, plurimum frictions profunt, hæc vires incitant, quibus Circulo sanguinis aucto, hic debite elaboratur, sic vegetum vicens mater fœtum, procreabit.

### §. IX.

Plus molestiæ quam periculi, tumor pedum œdematosus, nisi a cachexia aut labe visceris proveniat, gravidis gignit, appetitus illis ut plurimum viget, cæterumque sat bene se habent, verum ob cutim abaqueis expansam ægrius incedentes, & ob debiti defectum circuli sanguinis, lassæ Citius fiunt: cum grandiori utero, illiaca prementi vasa, affectus hic tribuendus, omnem ut plurimum medelam respuit, attamen, cum Corpore de nocte supino vel evanescat, vel maxime minuatur, huncce situm circulo sanguinis per pedes commodum, quantum fieri poterit retineant, Cingulaque tibialium reditum sanguinis retardantia absint. Neque suffitus aromatici contemnendi, cutim, Musculos & vasa roborant, sicque Circulum incitant, facilemque feri in Cellulosam secessum impediunt, cum interim calor stagnantis partem dissipet, eidem scopo & frictions siccæ, lotiones spirituosæ & fasciæ in servire poterunt.

### §. X.

Majoris jam momenti præcipue grandiores sunt varices, acutum, sæpius inflammatione stipatum, dolorem excitant, quando-





que notabilem ruptæ sanguinis copiam fundunt, quas, cum pressæ ab utero venæ illiacæ inducant, tollere sæpius impossibile est. His quoque ad præcavendas noxas, situs pedum horizontalis idoneus est. Fasciæ leni pressione sanguinem coercendo, atque vasa frimando rupturas avertunt, orta inflammatione, plethoricis vena secetur, sæpius sola varicis apertura tutissime medetur.

## §. XI.

Quo propior gravidis terminus, eo magis segmentum uteri inferius a pondere capitis, incumpente superiori pelvis oræ, deprimitur, quod sæpe cum vesicæ vel illius colli pressione contingit, Arctata hæc & pressione lacerata minus lotii continens ad illius ejectionem continuo stimulatur, repetitum ejusmodi profluvium mucum ex urethra abluir, unde urina tandem non sine ardoris sensu emittitur. Cum a Capite pubi incumbente incontinentia illa proveniat, foetu situm hunc mutante sæpius sponte cessat, interim si longior foret, potius parce ingeratur, an Caput arte removeri possit, provide tenderur: Situm hic supinum, quo proprio pondere ad os sacrum Caput magis nititur, non parum prodesse nullus dubito: ast ubi collum vesicæ fortius premitur Urina retinetur omnis, tumet vesica, dolet acerbe, dilataque opera inflamatio, febris, Convulsiones, & Mors imminet. Damnose hic diureticis, Epitematibus, linimentisque tempus & opera teritur, ab Urina, inde copiosius ad vesicam confluente, malum exasperatur, neque Catheter, cui a mole Capitis aditus præcluditur, feliciore cum successu adhibetur, neque repetita sanguinis detractio, qua obstaculum non tollitur, juvat, Caput debita enchyresi removeatur, malum, Urina mox profluente, cessabit, aut si extensa nimium vesica se contrahere nequeat, facile jam siphone liberabitur.

## §. XII.

Gravidis Catamenia sisti vulgo inotescit, sunt tamen, quorum uterus, cum conceperit, sanguinem adhuc periodice emittit quæ-





quædam sine noxa, aliæ non sine insigni virium jactura hoc ferunt; sanguinis abundantia, vasa cervicis uterinæ & vaginæ laxiora, cruor tenuis, acer plerumque in causa sunt. Nunquam omni hic fluxus periculo caret, quibus enim minima nec molestia inde creari videtur, attamen sanguis circa uterum copiosius congeritur: & quam facile tenera ex utero in placentam decurrentia rumpuntur vasa? plethoricis igitur debita venæ sectione, temperantibus, nitrosis, clismate, leni cathartico, Caveatur. Cachecticis & Cacochymicis crebrior sanguinis amissio certissime nocet; virium inde major prostratio, quæ sanguinis crasin indies pejorem reddit. Appropriatis igitur remediis hi affectus mature agrediantur, nisi foetum aut in utero perimi, aut summe debilem in lucem edivelis, neve mater Gravidatis & puerperii molestiis oppressa, longiore consumpta morbo pereat. Ast ubi tertio, quarto aut septimo mense præcipue cum in Corpore plethorico vehemens vel animi vel Corporis comotio vel insignis exagitatio sanguinis præcesserit, aut uterus ex crebriore abortu, seu congenita dispositione habitum vel facilitatem contraxerit, sanguis ex utero funditur, pejoris multo indaginis est: quod si tunc dolores lumborum ad inguina descendant, atque sanguis hisce furentibus rivuli adinstar profluat, rarissime abortus non sequitur. Partem enim placentæ, vel omnem ab utero solutam intelligis. Summa tam Corporis quam animi quies, repetita venæ sectio, temperantia, nitrata, potus frigidus, dieta tenuissima, levius quandoque malum avertunt. Anodinis hic minus fido, cum dolores ad partum ab illis suscitari & intendi posse, experientia noverim. Hæmorrhagia, quæ ex acreta orificio uteri placenta originem ducit, omnium est pessima. Femina, duabus quandoque tribus ante partum septimanis inopinante, quin ansam dederit, & sine insigni dolore copiosum sanguinem amittit, profluvium ante partum non sine insigni virium jactura aliquoties redit, cumque jam dolores instent, maxime augetur. Segmentum uteri, inferius si exploratur, non atenuatum, uti fieri solet, sed in conum truncatum breviorum desinens reperitur, neque detersum est orificium, inter crassiora tumentiaque labia, rima hians detegitur grumis referta, quibus remotis, Corpus





spongiosum tangitur. Quæ vasa roborant & sanguinis impetum simul coercent, vimque aliquam stipticam sanguini conciliando vasorum contractionem promovent, maxime adhibeantur, ante partum quiete, regimine frigido, potionibus nitratis, julapiis e Spiritu Sulphuris Terra Catechu & Syrupo acidulo confectis, parva venæ sectione optime consulitur; copiosa sanguinis detractio vires præter necessitatem frangens, tam parum redditum hæmorrhagiæ avertit, ut hiantia percontingentem tunc temporis orificii dilatationem vasa, vi contractili magis destructa, uberius sanguinis profluvium summo cum detrimento concedant, attamen feminam utut debilem calidioribus reficere cardiacis caveas. Si partu instante opus naturæ committitur, nunquam foetus vivus excluditur, & salva rarissime Mater evadit, medelam autem, cum ad artem obstetriciam pertineat, silentio eo lubentius præterimus, quod litem inter authores de hac versantem componere, integram dissertationem exposcat.

---

## M O N I T A.

**C**ibus Gravidarum sit selectus & digestionis facilis, tutius est crebrius quam nimium Cibi assummere §. III. IV. V.

Potus sit sufficiens atque temperatus aqua, quæ sanguinem exagitant, copiosius ingesta, nunquam periculo carent §. XII.

Bona solícite digestio curetur, & ad ventriculum, an officio rite fungatur, semper respiciatur §. III. IV. V.

Nunquam ultra bidum, ni peculiaris adsit consuetudo, clausa maneat alvus, ad resserendam clismata quibus cunque laxantibus prævaleant §. VI. VII.


Sanguis, nisi plethora urgeat, non detrahatur §. VII. VIII. XII.

E brachio nunquam e pede mittatur, omnis motus violentior & grave animi patema a gravidis vitetur §. VII.

Levis tamen Commotio plurimum salutaris §. IV.

Cronico detentarum morbo sanatio ante puerperium tutius agreditur §. VIII.





# POSITIONES PHYSIOLOGICÆ.

I. **A**rteriæ sunt vasa decreſcentia vi contractili prædita. II. Sanguinem, quo nunquam deplentur, a corde receptum toti Corpori distribuunt. III. Venis, quarum diametri ad Cor usque crescunt, sanguinem recipientibus terminantur. IV. A quibus sanguis ad Cor reducitur. V. Musculosa arteriis tunica est, venis deficiens, quarum plures valvulis stipatæ sunt. VI. De arteriis lymphaticis & serosis dubitamus. VII. Motus humorum totius Corporis causa primaria est Cordis motus sincronus. VIII. Atamen contractio arteriarum, respiratio, motus Musculorum, valvulæ ad ostia ventriculorum & sinuum, uti in venis, æquilibrium humorum Circulationi partim necessaria sunt, partim illam multum juvant. IX. Influxus spirituum animalium in Cor & arterias non est unica hujus motus Causa. X. Cor musculus dici debet. XI. Sanguinis partes sunt heterogeneæ. XII. Partim tenues limpidæ Coagulabiles, partim aquosæ volatiles, partim viscidæ, partim oleosæ, partim terreae, & salia & materiam Chymia ex illis erruit. XIII. Ex hoc fonte plures secedunt humores in quatuor Classes redigendi: lymphæ ad ingnem coagulabilis, serum fluidum non Coagulabile, mucus lentus & viscidus, liquidum oleosum. XIV. Omnis humor vel immediate ex arteriis minimis in vasa venosa aut cellulosa in substantiam vel ex glandulis deponitur. XV. Glomeruli ex quam plurimis vasculis minimis arteriosis venosis lymphaticis & nervis compositi, parvique folliculi ex membrana tenuissima, modo Canali exiguo, modo simplici foramine aperti glandulæ audiunt. XVI. Nutritionem & incrementum lymphæ Coagulabilis præstat. XVII. Attractio & expulsio aëris in pulmones respiratio dicitur. XVIII. Musculi supra & infra costales, Diaphragma, dilatando thoracem Inspirationis, Elater Costarum Expirationis nobis præcipua Causa videtur; scalenos, subclavios, pectoralem majorem & minorem serratum anticum majorem merito





*ex classe Musculorum respirationi inservientium expungimus.*  
XIX. *Respiratio ad vitam maxime necessaria est.* XX. *Circulum sanguinis promovere, Calorem & densitatem illi conciliare, huic etiam aërem admiscere, illius officia primaria videntur.*  
XXI. *Aërem pleuram & pulmonem inter admittendum esse nobis videtur.* XXII. *Substantia cerebri parit̃ vasculosa uti Corticalis, partim spongiosa uti medullaris admitti potest.* XXIII. *Omnes nervi ex illo vel mediate vel immediate educuntur.* XXIV. *Qui liquido tenuissimo in hoc deposito, quod Spiritus Animales dicimus, irrorantur.* XXV. *Quod requiritur omnem ad sensum & motum.* XXVI. *Nervos alios ex cerebello alios ex cerebro oriri non admittimus.*





# ERRATA GRAVIORA.

|          |          |      |   |   |   |                        |
|----------|----------|------|---|---|---|------------------------|
| Pag. 1.  | Lin. 1.  | lege | - | - | - | feminæ                 |
|          | Lin. 5.  | -    | - | - | - | oculi                  |
|          | Lin. 10. | -    | - | - | - | exclusa                |
|          | Lin. 14. | -    | - | - | - | præesse                |
|          | Lin. 15. | -    | - | - | - | fique                  |
| Pag. 2.  | Lin. 19. | -    | - | - | - | sententiam             |
|          | Lin. 6.  | -    | - | - | - | feminarum              |
| Pag. 3.  | Lin. 18. | -    | - | - | - | feminas                |
|          | Lin. 3.  | -    | - | - | - | intercostali           |
| Pag. 4.  | Lin. 29. | -    | - | - | - | incipiente digestionem |
|          | Lin. 7.  | -    | - | - | - | fordes                 |
| Pag. 6.  | Lin. 7.  | -    | - | - | - | evomit                 |
|          | Lin. 23. | -    | - | - | - | si post haustum        |
|          | Lin. 34. | -    | - | - | - | lætatur                |
| Pag. 8.  | Lin. 17. | -    | - | - | - | attenuando             |
| Pag. 9.  | Lin. 9.  | -    | - | - | - | sanguis                |
|          | Lin. 25. | -    | - | - | - | hypogastricam          |
|          | Lin. 33. | -    | - | - | - | molliente              |
| Pag. 10. | Lin. 2.  | -    | - | - | - | appetitu               |
|          | Lin. 7.  | -    | - | - | - | inappetentia           |
|          | Lin. 15. | -    | - | - | - | brevius reversuram     |
|          | Lin. 25. | -    | - | - | - | amnios                 |
|          | Lin. 14. | -    | - | - | - | foetu                  |
| Pag. 14. | Lin. 23. | -    | - | - | - | biduum                 |
| Pag. 15. | Lin. 3.  | -    | - | - | - | diametri               |
|          | Lin. 18. | -    | - | - | - | ignem                  |
| Pag. 16. | Lin. 6.  | -    | - | - | - | partim                 |

Reliqua B. L. Emendabit.



